



泰山志卷之二

明巡按直隸監察御史竒吳伯朋裁定

山東按察司僉事大梁曹金校訂

順天府儒學訓導欵汪子卿編輯

遺跡

志遺跡何志古人之有遺于斯也何言乎遺也以言乎帝王則封禪有臺明堂有地世殊物改而感慨係之以言乎聖賢則萬世之師千載之士仰止私淑如在門墻彼仙家者流若非可得而類書也然而遊方之外瞬息

古今其視合符不死與夫世之澳泯齷齪者何如也是故彙其遺而錄之夫亦仙閭靈府之一徵與

帝王

登封臺有二其一在嶽頂相傳為古帝王登封所築今為玉帝觀臺下小碣題曰古封禪壇其二在日觀峰相傳為宋築石函方文許亦題刻曰古封禪壇蓋古封壇而并以禪言誤矣俗曰寶藏庫以所瘞金書玉簡云

氏封泰山刻石紀功
七十餘聖
尚古之王封泰山禪梁父鬼神府七十二君
封禪壇

周明堂在嶽之東北山谷聯屬四十里遺址今尚存旁有谷山寺其形勝且覺學士寺記按州志寺記誤周為漢通志因之

漢明堂在嶽趾東南去州治十里武帝元封間用齊人公

玉帛所獻圖創焉其上有元人題刻明堂故基四字其地舒衍突起一石岡巔平而高四丈許週三晦許後枕嶽麓支山如屐障而左右如衛從然澗水縈迴南會于

汶遙望徂徠諸山如列屏案當時朝會規模宛然在目

漢武帝招延儒雅好行典故元封元年封泰山泰山東北陞古有明堂上封泰山畢降坐其上以處險不

敬欲治明堂奉高旁未曉其制度濟南人公玉帶上黃
帝時明堂圖明堂中有一殿四面無壁以茅蓋通水園
宮垣為複道上有樓從西南入命曰崑崙崑崙天子從之入
以拜祀上帝焉於是上令奉高作明堂汶上如帶園及
五年脩封則祀太乙五帝於明堂上坐令高皇帝祠坐
對之祠后土於下房天子從崑崙崑崙道入始祀明堂如郊
禮禮畢燎臺下因朝諸侯王受郡國計天漢四年行幸
泰山脩封祀明堂因受計大始四年三月行幸泰山壬
午祀高祖于明堂以配上帝因受計癸未祀孝景皇帝
于明堂征和四年幸泰山修封祀于明堂堂帝元和二
年二月幸泰山柴告岱宗進幸奉高壬申宗祀五帝于
孝武所作汶上明堂以武帝配如維陽明堂祀癸酉更
告祀高祖太宗世宗世祖顯宗於明堂安帝延光三年
東巡泰山祠汶上明堂如元和三年故事順帝即位修
奉常祀 **後漢書** 明堂乃黃帝之舊漢武帝時濟南人
公玉帶所上楊氏祭禮明堂篇以其不經見而削之然
其所言茅蓋通水與大戴禮所記畧同又考二記所言
夏后世室殿人重屋周人明堂其制大槩由質而趨於

文由狹而趨於廣也由是推之黃帝時無明堂則已苟
有之則一殿無壁蓋之以茅正太古儉朴之制又按武
帝欲求仙延年方士之說誕者多假說黃帝之事以售
其說如所謂修五城十二樓封名山樓萬靈于明廷求
首山銅鑄鼎之類皆矯誣造甚張大其詞以迎合時主
之侈心獨公玉帶所上明堂之制乃簡朴如此雖不經
見然亦可稽觀千門萬戶之失固未可以其
言之並出於封禪求仙之時而例照之也

長城鉅防在泰山西緣河千餘里至琅邪臺入海蘇代說

燕曰齊有長城鉅防韓非子曰長城鉅防足以為基齊

記云齊宣王乘山嶺之上築長城東至海西至濟州千

餘里以備楚括地志云長城西北起濟州平陰縣緣河

歷泰山北岡上經濟州淄州即西南充州博城縣北東

至密州琅邪臺入海竹書紀年云梁惠王二十年齊閔王築防以爲長城今泰山西北有嶺鋪俱名長城遺址尚存

無字碑在嶽頂登封臺下秦始皇立或曰石表或曰神主石或言其下有金書玉簡當是石函古今人莫測其意甚矣秦人之譎也石黃白色頗光瑩無苔蘚非嶽之所自也他山至是不知用民力幾何其甚矣秦人之虐用其民也史記漢武帝置五車石於嶽今莫知所在故樸菴詩云已迷漢武五車石却嘆秦王無字碑秦政不足言

惜夫漢武之效尤也

秦篆碑在王女池上西公署後李斯書始皇二世頌德文

宋劉跋序泰山秦篆譜時尚有二百二十有二字今湮

泐僅存二十九字夫秦雖無道然其所立有絕人者其

文字書法世皆莫及亦不可廢立身以義事父以孝成

人以仁四海之內莫不郡縣四夷八蠻咸來貢職人庶

蕃息天祿永得皇帝臨位作制明法臣下脩飾二十

有六年初并天下罔不賓服親巡遠方黎民登茲泰山

周覽東極從臣思迹本原事業祇誦功德治道運行諸

產得宣皆育法式大義休明聖於後世順承勿革皇帝

躬聖既平天下不懈於治夙興夜寐建設長利專隆教

誨訓經宣達遠近畢理咸承聖志貴賤分明男女禮順

慎遵職事昭格內外靡不清淨施於後嗣化及無窮遠

奉遺詔永承重戒與陽刻辭今世傳泰山篆字可讀者准二世皆行幸郡縣立石若此之久而風雨所剥其存者幾此數十字而已

始皇刻辭皆謂已亡莫可復見宋丞相公鎮東平日遣工就泰山模得墨本以慶曆戊子歲刻新石觀作後序止有四十八字歐陽文忠公集古錄亦言友人江鄰幾中嘗奉高親到碑下纔有此數十字而已

觀二年春從二三鄉人登泰山宿絕頂首訪秦篆徘徊碑下其石埋植上中高不過四五尺形制以方而非方四面廣狹皆不等因其自然不加磨礱所謂五十許字者在南面稍平處人常所為搨故士大夫多得見之其摩指蝕試令模以紙墨漸若可辨自此益使如工模之然終意其未也改和三年秋復宿巖上親以氈帷從事校之他本始為完善蓋四百周周禮有刻字總二十事

行行十二字字從西南起以北東南為次西面六行北面三行東面六行南面七行其末有制曰可三字復轉在西南稜上每行字數同而每面行數力不同如此廣狹不等居然可見其十二行是始皇辭其十行是二世詞以史記證之文意皆具計其缺處字數適同於是泰山之篆遂成完篇宋歐江二公初未嘗到惟馮工匠所說無足怪人多以二公為信故亦不復詳闕余既得墨本并得碑之形象制度以歸觀舊聞之多來訪問倦於屢報乃為此譜大凡篆字二百二十有二其可讀者百四十有六今亦作篆字書之其後缺及漫滅不可見者七十有六以史記文足之注其下譜成揭壁間又幽沉晦之迹今遂歷然秦至無義不足論然李斯小篆古今所師經千三百有餘歲而後彰效可尚也如親臨遠聖史作親巡遠方黎氏全石刻石著作休制作世聽作聖壁作聖體作禮昆作後則又史家差誤皆當以碑為正其曰御史大夫者大夫也莊子曰且而屬之大夫衛宏曰古文一字兩名因就注之史記於邛邛臺刻石備列從臣名氏余家所收邛邛殘字亦有五夫字然則大夫從

一六因不
復重出歟

磨崖碑有三其二在嶽頂東嶽祠後一為唐玄宗八分書

紀泰山銘字五寸許道勁可愛一在崖右刻唐蘇頲撰

東封朝覲頌字徑寸餘書法類晉近閩人林煇以忠孝

廉節四大字覆刻其上鏡毀殆盡其一在祠前東崖宋

真宗序銘亦為後人鏡毀如亭觀者憾焉宅帝位十有

四載頌惟不德情於至道任大難任安夫難安茲朕未

知獲矣於上下心之若蕩若海於大川賴上帝垂休先

后儲慶宰衡庶尹交脩皇極四海會同五典敷暢歲云

再熟入用大和百辟魚謀倡予封禪謂孝莫大於嚴父

謂禮莫尊於告天天符既至人望其積固請不已固辭

不獲予與夫二三臣稽虞典繹漢制張皇六師震疊九

寓旌旒有列士馬無譁肅肅邕邕翼翼容容以至子岱

宗頂也爾雅云泰山為東嶽周官曰兗州之鎮山實惟

天帝之孫群靈之府其方處萬物之始故稱岱焉其位

居五岳之伯故稱宗焉曰昔者受命易姓於是乎啓天

地薦成功序圖錄紀氏號崇先王茲率厥典實欲報

玄天之眷命為蒼生之祈福豈敢高視萬古自比九皇

哉故設壇場於山下受群方之助祭躬封燎於山上真

泰山志卷之二

三

乃見天則於越天生蒸人惟后時又能以美利利天下
事天明矣坤厚載物惟后時相能以厚生也萬人事地
察矣天地明察鬼神著矣惟我藝祖文考精爽在天其
曰懿予幼孫克享上帝時若馨香其丕乃曰會我之文
武曾孫其誕錫新命續我舊業未保天祿子孫其承之
予小子敢對揚上帝之休命則亦與百執事尚綏兆人
將多予前功而忘彼後患一夫不獲萬方其罪予心
有終上天其知我朕惟實行三德曰總儉謙慈者覆無
疆之言則儉者崇將來之訓自滿者人損自謙者天聽
如是則軌迹易循基構易守磨石壁刻金記後之人聽
詞而見心觀末而知本銘曰惟天生人立君以理惟君
受命奉為天子代去不留人來無已德涼者戒道高斯
起赫赫高祖明明太宗爰革隋政奄有萬邦整天張宇
畫地開封武稱有截文表時憲高宗稽古德施周溥茫
茫九夷削平一鼓禮備封禪功齊舜禹巖巖岱宗行我
玄神中宗紹運舊邦維新睿宗繼明天下歸仁恭已南
面網緼化醇告成之禮留諸後人綱予小子重基五聖
匪功伐高匪德矜盛欽若祀典丕承未命至誠動天福

我萬姓古封泰山七十二君或禪柱首或禪云云其迹
不見其名可聞祇通文祖光昭舊勳方士虛誕儒書難
覲佚后求仙誣神檢玉秦災風雨漢汗編錄德未合天
或承之辱道在觀政名非從欽銘心絕巖播告群岳
唐皇帝受之臨位十四年考虞氏歲巡之義賦周王時
邁之什十月辛酉步自有洛十一月丙戌帳殿齋於岳
趾淵默以清繹思而照將紀功布度順斗承天精享也
已丑宏觀軼區宇盛饑振開闢高臨建鳳萬隊張皇以
蜀山上御飛龍百神翕習以扶道國台二藩后四髦士
客侍信臣高位扈封臺列升陛不下五十以聖言冲邀
鳴牒質書誓之旨曰朕獲守丕業恐不克駿命惟上帝
儲休錫蒼生無疆之慶朕之慶也古則秘之何哉屬寒
馳迅颺露清終夕若掃若鋤晏然而已庚寅天官次錄
王制協時嚴高祖以配之嗣高宗以陟之冕來立珪璧
序潔壘姐調鍾呂居勾於箕簋戛擊乎祝歆寶駢瑞方
物焜煌空薄霄兮音容與則織塵不動和氣充塞日在
於觀天為之門揚日大光謂小天下昭以抱戴見之卿

雲鬱鬱紛紛喜氣烟熅當芝檢引紫熏太紫洞而三辰
 接鬱鬱蒼搖而萬歲聞自下達上後吾君君之來兮望如
 雲雲之弊兮聖之門至于辛卯有事于社首以泰折如
 泰壇於穆我睿宗侑而作主真獻嗚咽天子之孝也僉
 以金匱歸勛於祖禰石城藏美於乾坤戒成秩則司存
 癸巳載大旂合大樂三陔焜以惟抗四亞鏘而輅止朝
 群牧揆千官底邦賦數庭實華蟲辨等車馬來觀周人
 隋人二王之賓戎狄蠻貊萬里重譯必拱于著執贊奉
 璋顯顯昂昂靡敢怠違乃建鷄竿代鼙鼓帝命出皇恩
 溥揚異風作解雨施舍之蕩滌之宥法罪除煩顛湧
 洋溢周流黜黜不崇朝而遍者與此山俱峙翳而不披胡
 微而不鋪也亦既稱壽申命宗伯咨爾頌焉效古之刻
 石臣適稽首再拜而言曰臣聞昔在帝先臣惟咎絲聰
 明之謂聖萬種之謂德天若曰依于巨唐易姓者李王
 於中華崇功者唐聖之澤德之浸也我唐祚之興昌符
 誕膺兩儀動六葉承皇帝宣高祖四宗之景烈肇開元
 神武之明號廣矣大矣真有不寧用有不俾咸一德之
 輔不一心之臣羣后抗詞曰臣聞先王因天事天因地

地事地因名山升中于天陛下得天之經得地之義得
 人之行行也者孝莫大焉蕪三才以為政政也者仁莫
 大焉含萬物以為性性三才貞萬物亨六典平九功成
 官不愆獄不放至于刑清良有以也因斯而談清明在
 躬志氣如神之睿者君也四國于藩四方于宣之美者
 臣也有物有則我君臣保乂之原所由於前設其教於
 後亦往歲邦危中否天討內難陛下提三尺之劍和闐
 闔絕勾陳趨北軍正北辰然後翼翼乾乾尊尊親親立
 我蒸人聖考所以付天下之公器蹈汾陽之清塵唐雖
 舊邦其命惟新古者振兵釋旅祠土祈穀先事也我
 以幸太原祭分惟耀金甲肅逸鄙虜馬誓而不取南向
 鮮嚴京師獲寶鼎獻宗廟戎人歸而盡務東作報福京
 抵於是乎爰佐五時郊天以奉時爰崇九室裕祖而敬
 思昭格選選神人允鑒無何籍三脊盛六總不召斯至
 擁休之類如山則委易月而秘豈非享物降嘉司火也
 立渾同度在曙也陛下姑謂之薄臣所未諭且管氏
 齊帝五九八十九湮淪鬱沒孰若致美我高宗勅代
 子正六十酌蠶歲稔故能應期我神武惟繼代奉業增

高保鴻缺乎中何也即先后以權整阻于運二宗紹復
未遑厥功神閣之契不在諸子而當聖躬固不可辭者
審矣帝曰俞畏德之不稱而左輔右弼雜措紳鴻碩之
倫抱蕤懷書蒸雲吐霧方集賢內殿講議前席以論之
傳不云乎君子勤禮敬之至也易不云乎先王作樂
以動也慎矣哉禮樂之為用故執禮者具剛弊則質宜
之自我變樂者理去商何害謙以為臣二者治而三讓
之制曰可始嚴鹵簿騰七萃啓禁關迴九重以聽乎鸞
聲之雍雍匪疾匪徐物有其容動植讚華夷觀駢闐總
搏美漫半散出成阜踰滌波憑滑臺眺洪河遂並崑吾
之墟倘佯乎大舜之澤瀕四清二齊入于堯徑九一三
齊喬於岱推二旬有六而頓行在莫不儲華皓如藿
傾陽或牽以餽或捧之觴僂平康莊一以伸神武之
今日一以感乾封之舊章迺歸之觴舉之慈且惠而
與之驩沸涓頡頏矧國鄒魯家洙泗東汶野而圖記可
知指泮林而頌聲不墜以周公之故將孔子之後翹然
希王者之屬車聖人之清蹕則久及信宿之應巖巖所
瞻宗神曰天濟王如一等於三事戶二十供王祀環十

里禁人樵牧也大禋禘之數重製成之祿撫遺眊賜之
復帝曰吁夫艱難繁王業休咎率人事况天監之殊祥
也殊其也不自滿而度華于位朕實臣曰乾曜洎說有
物有終時乃風欽哉汝作朕左右丞相繫汝忠益以嘉
獻禘禘之闕罔或怠遂弘天封煥天章纂介丘而旋德
陽大饗乎羣方程後代美其律聲其實噴作四而籍言
七也臣選不敏繼伯夷之直清微太史之留滯聆金奏
同百獸之舞振木鐸採萬人之詩敢陳詩以頌曰天子
聖步天孫崇登以封方報以功受命再惟皇代天之賚
人所載士馬山嶽戈茅山脊嶺特山雜靈響山峇天與
人合我鋪衍方長粹清太元冊兮太一精休光光我之
慶成舜四朝而禹萬國莫之我京

鳳凰臺在登封門外漢宣帝時鳳凰集泰山故名

望仙臺在州治東北三十里漢武帝築

舞鶴臺唐高宗築按唐書高宗築封祀壇於泰山南四里

如圓丘又詔並登封降禪朝觀之碑名封祀壇曰舞鶴

亭登封壇曰萬歲臺降禪壇曰景雲臺今皆頽莽而碑

亦壞沒惟張說封禪頌在唐文粹及州志猶可考見

宗禪皇唐六葉開元神武皇帝再受命致太平乃封岱

厥初生人俶有君臣其道茫昧其風朴畧因時而欽起

與運而紛落泥泆沒沒無聞焉爾後代聖人取法象立

名位衣冠以等之中矣以垣之於是禮樂出而書記存

矣反其源致敬乎天地報其本致美乎鬼神則封禪者

帝王受天命告成功之為也閭曩聖之與訓考列辟之

通術疇若天而不成曷昔道而靡失由此推之封禪之

義有三帝王之畧有七者何傳不云道德仁義禮智

信乎順之稱聖哲述之號狂悖三者一位當五行圖錄

之序二時會四海且小乎之運三德具欽明文思之美是

謂與天合符名不虛傳矣有一不足而云封禪人且未許

其如天何言舊史者君莫道於陶唐虞舜臣莫德於皋

陶稷高三臣降德皆有天下仲尼叙帝王之書繫周秦

之誓明魯祀周公用王禮秦承伯益接周統孔聖微旨

不其効歟然秦定天下之功高享天祿之日淺天而未

忘庭堅之德也故大命復集于皇家天之贊唐不惟舊

哉其與之也玄靈降迪黃祇顧懷應歸運以義舉撫來

蘇以利見湯也無放夏之慙武也無代殷之戰高祖創

業四宗重光德有格天禍泉蒸雲濡露菌蠢滋育氤氳

涵煦若天地之覆載日月之照臨溥有形而歸景釐無

外而宅心百有八年于茲矣皇帝攘內難而啓新命戴

睿宗而續舊服宇宙更闢朝廷始位蓋義軒氏之造皇

圖也九族敦序百姓昭明萬邦咸和黎人於變立土圭

以步曆葦銅渾以正天蓋唐虞氏之張帝道也天地四

時六官著禮井田三壤五圻成賦廣九廟以尊祖定六

律以和神蓋三代之設王制也武緯之文經之聖謩之

神化之然猶戰戰兢兢日慎一日納規誨以進德遂忠

良以代工講習乎無為之書討論乎集賢之殿寵勇爵

貴經明翼乎鸞鸞之列在庭毅乎龍豹之師居鄙人和

貴經明翼乎鸞鸞之列在庭毅乎龍豹之師居鄙人和

旁感神寶齊至乾符坤珍千品萬類超圖溢牒未始聞
記我后以人瑞為心不以物瑞為意王公卿士儼然進
日休哉陛下孝至于天政合乎道前年祈后七人獲天
讓間歲祀圓丘日不奄朔感祥以祈聖因事以觀天
人交合其則不遠意者喬丘掃路望翠華之來上帝儲
恩俟蒼璧之禮久矣焉可專讓而廢舊勛群臣固言勤
帝知罪至干再至于三帝乃挹之曰欽崇天道俯率嘉
話恐德不類敢憚于勤其撰巡狩之儀求封禪之故既
而禮官不戒而備軍政不謀而輯天姥練日雨師灑道
六甲按隊八陣警蹕孟冬仲旬乘輿乃出千旗雲引萬
戟林行產獲燐爛嵒燿揚精原野為之震動草木為之
風生歷郡縣省謠俗問百年舉百祀與隆典葦關政依
徂之人室家相慶萬方縱觀千里如堵城邑連歡丘陵
聚舞其中垂白之老樂過以泣不圖蒿里之魂復見乾
封之事堯雲往舜日還神華靈鬱爛燁乎穹壤之間是
月來至于岱祇祓齋宮祿履靜室凝神玄覽將款太
議夫泰山者聖帝受天官之宮天孫摠人靈之府自昔
立國莫知萬數克升中而建號惟七十而有五我高宗

六之而今七矣非夫尊位盛時明德曠代遠開難并之
甚哉先時將臻大大封也累封疆於高岡築泰壇於陽
趾夫其天壇三襲辰陛十二咸秩參靈列坐有次崇牙
樹羽管磬鏞鼓宮懸於重壇之內千戚銜艾釣戟戮戲
周位於四門之外代國重器傳代絕端於於中庭王
輦金轂翠眉黃屋夾之於端路庶官百辟卷夷變貊褒
成之後讓王之容序立於禮神之場鼇頭弩牙鐵馬金
鑊介冑如雪旗幟如火遠匝於清禁之野於是乎以天
正上元法駕徐進也千乘於平路留群臣於谷口皇帝
御六龍陟萬仞獨與一二元老執事之人出天門臨日
觀次沆瀣宿蠓巘赤霄可接白雲在下庚寅祀高祖於
壇奠獻俯樓叶金奏佾羽舞撞黃鍾歌大呂開閭闔與
天語清將信公奉斗布度懋建皇極勤恤蒼生昭嘏乎
未兆禳災乎未萌上下傳節而禮成樂遍福壽同歸而
帝賜神策乃檢玉牒於中頂揚紫燎於高天庶忠誠之
上達若憑燭而駕煙白響方旋神心餘眷五色雲起拂
馬以隨人萬歲山呼從天而至地越翌日尊睿宗侑地

祇而禮社首遂張大樂觀東后國風惟舊無黜幽削爵
之誅王澤惟新有肯災大賚之慶不決日至化洽於人
心不崇朝景福遍於天下然後藏金匱於祔室迴玉鸞
於上都煌煌乎真聖朝之能事而高代之盛節者也于
斯之時華戎殊俗異音同歡曰兵合多兩山峻多雲豈
有大舉百萬之師剋期千里之外及行爭之日則天無
點翳地無纖塵嚴冬變為韶景寒風鬱為和氣非至德
其孰能動天如此其順者乎昔人云自西自東自南自
北無思不服今信知聖人作而萬物覩其心服之謂
矣或曰祭泰折主先后非禮歟曰是禮也非宜也王者
父事天母事地侑神崇孝無嫌可也且天崇瘞外事帝
王主之蒸嘗內事后妃助之是開元正人倫革弊禮起
百王之法也故令千載睹未光聆絕韻唱其實教芳潤
樂玄妙之至精流不已之淑聲臣說作頌告于神明四
皇贊而六帝典雖言甫亦莫能名徒採彼與人之詩曰
大矣哉維天為大惟皇則之率我萬國罔入天之祺子孫
百代人神共保綏之云爾而已矣

社首壇在嶽南二里許曰社首山聯屬嵩里前代多禪此

惟宋真宗命王欽若撰壇頌碑石今尚存

欽若序頌清
灘御歲應鍾

旅月國家建號之四十九禋皇帝紹統之十有二載燔
柴喬嶽成禮於勒封迴蹕方丘薦誠於厚載人神交感
祿祉來宜爰命下臣式揚嘉頌粵自聖明御極寰宇大
和民知教而措刑俗致理而偃武熙熙庶彙如陟於春
臺惕惕宸心若臨於秋駕玄德上達乾文下垂方絕
以謏膺故至神而合贊見於乙夜同日星之揚輝告以
先期若寒暑之不忒履端之月成魄之辰晝漏初傳朝
敬未耀仰蒼龍之內闕觀黃素以奇文豈必玄龜負圖
而出洛何須赤雀銜書以及豐上中厲內增寅恭外積
克勤精意仰咨靈心感應真符祺祥不絕雲成五色表
嘉瑞於太平星見離方薦殊徵於萬壽由是索前王之
令躅秩祀典之無文思大饗於季秋用昭告于上帝咨
爾之詔將戒於有司後予之謠爰興於東土鄒魯之士
海岱之民竭乃一心若律呂之相召來於千里如符契

之不愆述盛禮於元封獻露章於魏闕以為有唐之季
 天步艱難朱梁之運寓縣離析蒸黎塗炭兵甲日尋薦
 紳無仁義之談鈇鉞肆虐劉之憲上天悔禍肇啓於昌
 期百姓與能勃興於明主太祖啓運立極英武聖文神
 德玄功大孝皇帝炎靈應統綠錯膺圖奉唐侯之固辭
 避陽城而罔獲克安九服成不陣之功祇事百靈受無
 疆之福太宗至仁應道神功聖德文武大明廣孝皇帝
 大明繼世至德在人文教以懷柔武威而震讜憲章號
 令俯洽於殊方文物聲心仰踰於往古崇文廣武儀天
 尊道寶應章感聖明仁子皇帝稟粹二儀鍾靈五運紹
 成基於累盛荷景貺於重熙通於神明錫類之率格于
 上下廣覆之仁若乃弋緝為裘書囊為帳恭儉之至也
 泣辜于市翦竭于塗慈惠之隆也及席捲才反支受訟
 聽政之勤也齋居議刑弛懸決獄慎罰之深也至若恭
 默思道勵翼求賢賑恤惻隱發諸詢讜直脊徽五典昭明
 百官禮無大而揚情無小而達道彌高而思彌下
 業愈盛而志愈微故得鳥獸可窺水火不牽萬民以治
 五教在寬天降之祥物安其所謂集玄黃之景祐攬

步驟之上儀者也夫登岱宗禪梁父對越天地嚴配祖
 宗際玉以禮神刻石而紀號千八百后其道皆同七十
 六君其蹟可視矧夫盛德大業魏乎若斯天瑞人謀昭
 然如彼誠宜答三靈之祐順九域之心考時日於曆官
 詢制度於宗伯肆觀群后懷柔百神蒼壁以祀天黜續
 以祭地發維新之大號受不已之體號豈獨一方區區
 之誠實亦六合顯顯之望上於是臨法座而延見命謁
 音而諭旨嘉其將順之心示以揚厲之意以為禎祥申
 錫但荷於洪休封禪告成難居於盛美故當徐議無復
 過談莫不瞻味旋伏文石期於得請然後已旋克讓之
 詔雖行致執之言益固於是鈞為之元輔帷幄之碩儒
 三臺之貝也五營之列校郡國之上計庠序之橫經
 白緇黃之傳惟警文身之衆相與集闈闈趨鈞陳述庶
 民後后之談叙歷代不刊之訓且曰天高地大禮生
 其中君令臣行百度尊其治罔蹈道而無福罔失政而
 無禍道莫大於奉明神政莫隆於興茂典故遠占而
 方冊所標未有長發真源永孚休命歷數在已美利及
 人而不宗祀是寧昭配祖禩奉符東岱徙采仙閣者也

而况巡狩之文也舉於虞典登封之義囊括於周詩六
經著其讜言百五以為盛則衰世思之而罔克治世避
之而不能非晉武隋文其讓也正世祖玄宗其修也宜
陛下高邁義農俯視舜禹天鑿厥德亦伏之符既膺后
來其蘇東人之念方積觀民展義今也其特錯事增高
辨之豈獲雖復輿情可却宸慮難迴其如三神之景命
何二聖之盛烈何優詔不許者四封章固請者五於是
答玄穹之願誤徇黔首之勤求府而從之蓋不獲已乃
頒明命戒有司曰自天之休既鍾于列聖累洽之慶復屬
於冲人若乃登名山朝萬國雖盛德之事其何以當而
率上之情復無以拒蓋將申於大報敢云告厥成功咨
爾有位之臣暨于藏役之者犧牲玉帛禮於神則極其
豐玉輅旂常奉於吾則從其倫委樞近之佐以先置密
授其成謀聚文儒之士以撰儀成洞稽乎舊制其令也至
當故下無以干其工也不繁以衆思自勵德音一發民
望如春誠感上通神心若契一至于聖賢之祖述禮樂之
公襲或有舊史失傳精義莫續群臣極慮靡究其端睿
旨發

彝訓又若秘牒有一信用有六燔裡俯逼追琢難成將
以貞珉代乎温玉雖復有司固請俞詔勉從在乎宸心
惕然罔措果於內府訪得其真蓋往日之所營僅期月
而乃就取之琢刻用於神祇克集厥功靡愆於素足以
見先聖有開迪吾君善繼之孝也且夫天之臨也不貳
天之鑒也至明聽之無聲吉凶見乎象數而降命善惡
基乎人盛德之與巍巍乎其莫述鴻休之至紛紛乎其
無窮當夫探日有期鳩工在始地不愛寶吐素液以流
其龍飛在天騰卿雲而絢彩神葩焜耀挺秀而朝敷瑞
氣氤氳揚輝而晨暎眈目鷲獸匿蹟空山螿蟄垂毒蟲潛
形蟄戶在井之鮒繁百鍊以成鱗繞樹之禽疑六出而
挺質沃日漲海既過其驚波航常巨河復遵其故道九
穗兩岐之秀四犢一角之奇或駢實而共枝或先秋而
告稔班虎裘夫之繭靈雲共蒂之瓜玄鶴群臻聽笙鏞
而自若慈鳥獨哺見斤鍾而有常瀼瀼沆瀣以如飴趨
趨明視而呈素中天之月露煥發之重輪曲沼之泉澄
相鮮之麗色一封使者告慶交馳六藝書生頌美載路
蓋已無得而喻也矧又甚於斯焉昔者五老告期但聞

卷之三十一

一至兩騎受職豈復重来未有眷佑彌昭殊休再降
 然岱嶽密邇志泉頌綠字之文述蒼元之意於是備時
 乘之駕迎寶命之符是月大雨霽雲密雲蔥鬱潤甫田
 而雖洽治馳道以方勤及乎瑞謀爰來乘與將出則頻
 陰並散杲曜徐昇紫氣覆於離宮白雲映乎廣殿時億
 之福豈易測乎於萬之年必可保也瞻言南域舊產靈
 芽方志雖存郡人罕識及夫詔書採擷耆老營求絕世
 之珍故蕃殖而久廢不貢之責方寤寐以爲憂遽生三
 脊之奇用資五天之藉夷吾曩記斯實同符開元舊文
 諒多愧色既而協良日薦虔誠寅奉靈文祗見祖廟謝
 會昌之絕錫告配侑之崇名于時人集八方塵飛九陌
 齋明之夕澍雨以清皇衢裸鬯之辰商雲以覆世室霏
 烟燭野瑞日流空肅肅金鸞襲星早而徐轉翩翩玉羽
 扈河圖而辟嬉三后在天降鑒於至治百世觀德協慶
 於無垠猶謂斯禮不行其來已久雖感蒐於闕典慮未
 盡於至誠乃後屈黃屋之崇高百奉壇之薦享恭畏之
 色罔異於奉祠闕疑之文並從不折秉官師登廟神聖
 益款既而令旦戒辰鳴鑾遵路百工承式七萃啓行八

校上齊聞蕭蕭之鳴馬九旂特動見習習之祥風鼓吹
 不喧率由舊則金石成寢肇自聖謀至若念封禮之方
 陳矜嚴是務慮有司之弗給簡易爲先乃損屬車別名
 鑿駕虛大輅以安秘錄見奉天之誠御步輦以出國都
 形愛民之至連甍感扞接壤歡譟四望則衣袂成帷中
 塗則壺漿若市豈資諫諍已罷乎從政何待討論動歸
 乎至曠輦茹成却誠王食以齋心草木不傷法蒲車而
 育物若乃次舍所設菲薄攸安棟宇之基未嘗改作開
 闔之勢罔或增新唯玄幕以環周或下房而躬處頌祇
 之庭在邇接神之冊儲靈屬夜漏之未央視晨光之歛
 見瑞踰沈璧祥協起至乃命庶官走群望專印白土
 別祀九宮禮頌海之諸神饗射牛之列帝所謂闡皇猷
 於釐宇昭上德於億年者也暨夫屈廣魯臨岱宗庶民
 奉迎罔不率舞東后來觀靡有後期八表之民駿奔競
 至未名之寶擲比咸臻壇壝以陳簋簋以具申誠於百
 執必信而必誠昭感乎萬靈有嚴而有翼越以孟冬之
 月庚戌之朝望秦之高峯時爽而陟比黃之大典次日
 而脩其或俯曾崖履危蹙慮人之勞也乃降輦焉及乎

款雲封望齋室想神之在也亦躡步焉徒御繼登罔逢
乎驟雨羽衛成列俄息乎終風平視太虛下觀地景靜
將地接動與天偕澄宸慮以杳冥望法象而髮鬢於是
被玄袞播大圭神六變而來思色三獻而彌厲儀以宗
祖煥乎天經丹書載陳表儲休於上帝主牒不秘示無
秘於下民而又饗彼群神于茲山下華園丘之式俾徧
祀之心謹畧度以合時望烟燎而交影衣冠在列笙磬
同音是夕也天門之巔士虞載渴其體忽湧無源自澄
先侁奉宸欽之而不竭日觀之上人莫能升明神斯臨
有儀可象濟濟在列觀之而相目此人莫能升明神斯
嘉之殊尤也且日禮皇祇禪社首一方澤之形泰折廣樂
之音八成象其色則黃牲昭乎觀則玄酒嶽鎮海瀆靡
不格思墳衍郵啜罔不成在眷乃坤元之德配乎柔克
之尊立植群倫包涵方夏廣大博厚所以養材流謙居
貞於焉載物伸茲大報在手至矣刺若奠獻之儀祇率
穹昊之制勤恭勸翼盛典由是遠維迷紛綸柔盡以
之薦社清澤將至倏振驚颺冕服纓弁俄為霽景樵火
之影邈在雲霄登歌之聲散於一野唯誠明而是竭忘

陟降之為勞於是昭仁心從物性楚夏所貢羽毛之衆
莫不出於苑囿放之郊原次復詔秩宗修勤禮三帛二
牲執贄以見右賢左戚辨等而居玄冠蒼佩者克庭魚
甲貝胄者列侍宸顏穆若安可望其清輝能事巍乎徒
得觀於洪烈既而布大令均渥恩禮高年脩墜典幽蠶
咸振密網並蠲需慶賜而春行覃激樂而日麗采詩察
俗遠協於夏書納賈觀民式遵於王制與庶舉孝崇德
報功錙寡悖獨之流罔不成恤律度量衡之法由是得
中復除之恩浹於四極醜醜之患際於九圍當其御郡
樓宴鄉老有在沼之介族附游童之衣備色奪金英狀
微掄英壽蓋踰於千載祥實冠於四靈昔者聞韶而鳳
來拊石而獸舞言其善應豈復殊塗罷萊燕之鐵官賞
龜陰之曠土擢負相屬當舍盡開至于邈想古賢緬懷
神道增文憲昭烈之稱請伸仁聖炳靈之封崇以為列
上清而監觀者真仙故加保生廣生之號育良材而利
用者疊嶂故脩靈巖廣禪之祠惠洽於人雖小不捨新
至女之像也是也福流於物雖大必營劇會真之宮是也
猶且狂星旋降玉軼幸闕里祀孔堂琬琰之列載揚芬

德爾綬之薦用益徽名後飭廟庭增修禮器出幣帛以賜宗黨頒經史以聚學徒下自諸生咸膺其進爵上暨先正肇荷其追封好賢之心周於百世尊儒之道形於萬方豈止序門人以陪祠闕而給役也昔天寶以治平在運崇五廟之洪名大中以恢復成宮歸尊備號章謚而皇上孝思不匱至德潛符展禮太宮歸尊備號始以寶間親授三公拜手而遺肅祇之至也復以蕭鄉躬謝六室涕洟而進追慕之績也足以薦乾坤之祐增宗祐之美慰昊天罔極之感仰明發不寐之懷既而王公協辭夷夏同志尊順美之前訓增可久之徽稱始固守而不從旋曲成而俯受以認夫法乾剛而覆下是謂儀天用玄默以君中故為尊以迥叶吉而圖書開與寶應攸昭上封而河嶽效祥章感以則著典禮備舉簡冊載光軒曰狗齊彼何尚也湯云甚此茲豈遠而猶復紀錫符之辰建覃慶之節郡國清醮以吞吐明威士庶縱遊用樂乎神運生成則祭乎屠宰心則止乎刑辟古今之盛節禪矣皇王之休聲備矣臣等再拜而言曰在昔帝其權於前脩埃揄揚於景饒竊以再拜而言曰在昔帝其

臣有五夏與於禹商始於禹宗周建邦本於后稷有唐命氏肇于庭堅而伯益既興朕虞亦佐禹績秦德不競天祿未窮故我聖朝集茲大統宜乎北階於三代垂裕於萬齡者焉洪惟陛下纂承寶圖建用皇極含道德之其寶具慈倫之馨香煦然發榮可得而述昔者河流載湛里社方鳴列緯集於降婁三統在乎單闕暨夫再歲果誕真人蓋奎為魯分之星乃司文物泰寔兗州之鎮爰主發生豈非運屬文明化符生育法從臨於洙泗祀典脩於雲亭之應乎此蓋受命之殊既也御辨之初維藩之域綠龜薦瑞元輔矢謨以為至柔者毛至剛者介今則以至柔之物附至剛之姿天何言哉民胥效矣必將武事休偃文德懷柔是時也文甲方馳封疆尚聳既而王帛繼好書軌大同罷尉侯之官成鍵索之治此又顯統之不祥也夫感人心而致和平莫先於孝與王道而致雅頌無尚於仁昔者主噐震方舞宮臣之常禮則成帝之避馳道也宅憂倚廬終三年之通制則高宗之在諒闇也安元辰之歷行哭而朝陵則顯宗之伸未慕也覽後庭之籍動容而出媵則文皇之召至和也寬一

成附重之刑制三流禁經之典則高帝之約法也升北
 辰魄寶之座創先蠶壽星之祭則孝文之重祀也脩前
 代之園寢訪功臣之子孫則武王下車之事也絕番禺
 之藥矢毀尚方之獵具則成湯祝網之心也再罷戎輅
 則周宣之治兵也三郊告土則虞舜之肆類也順時令
 闕車徒因三時之閒習五申之法神武之用也臨便座
 幸上庠較藝以掄材談經以興學時文之化也蓬閣暈
 飛牙籤雲矗寶南風之聖作聚東壁之群書聿脩之美
 也親視篋簾躬聽笙等新甲令以募工師製升歌以詠
 詒訓述作之大也絕域之民留滯未返惻然軫慮豐給
 而遣仁及於懷土也司貨之吏措劑為能換乎出令寬
 政為先道濟於溥天也紀祥符之寶歷元符之故事也
 新儀衛之庶僚太微之彛制也明照於前古觀其失而
 不揚德之盛也舜高於往代有其善而不伐謙之至也
 孝德著矣仁聲洽矣積是純懿發為茂功則巨禮之行
 殊禎之應由天意也非人力也矧夫兩漢而來建都於
 雍五嶽之地皆在於東日石異於辨方方里且殊於師古
 今國家宅梁宋之域當以壤之中禮得其宜事歸於正

故可以仰遵五典高繼九皇抑又贏秦上登僮至中路
 天有所不佑也漢武秘祝不一示群臣道有所未廣也光
 武歆其速成將窺封於王檢力有所未盡也高宗贖茲
 不與接神以椒房禮有所不肅而也玄宗建議在初輔臣
 殊志出爵伊始庶尹與言人有口所未允也若乃篤天祐
 還神鑿遠邇協心上下交泰唯精惟一盡善盡美未若
 今日之備也又不以功成而自一大治定而自矜炳乾文
 號神燄仰懷天貺不敢以怠遑俯述世功用歸乎德美
 此實歷代之所未有上聖之所獨臻也下臣不佞奉獻
 頌云惟天祐聖惟聖奉天寶命隆方惟辟治民惟民戴
 辟萬國同兮祖武宗文重規疊矩建大中兮奉符錯事
 登封降禪告成功兮報本反始為民祈福示至公兮洪
 猷盛德高視古昔垂無窮兮

封祀壇宋真宗築在嶽南五里許遺址王旦頌碑今存

身功成德昭格於至神王者宣淳耀之烈建中和之極

泰山志卷之二

於是錫天瑞出坤瓊覺悟於蒸民鮮不登泰山躡梁父
 阜崇於明祀蓋天地之文闕下民何以法象焉禮樂之
 用缺後人何以祖述焉是知勤皇績騰茂實交三神之
 歡著一王之法述符命繼昭夏申乎大報示於無窮
 典章之備物真帝王之盛節者也粵自遠初始造書
 增高益厚載九皇之德朴畧而難明時邁首方垂六
 之文紉繹而可舉公襲之規寢廣巡狩之儀始行五
 容於虞典一紀因乎周制所以彰善輝惡觀民設教
 矣爾後道非下濟德異升聞或絨秘祝之辭或黜諸
 之議先治兵而釋旅乃肆意於登封惟順時展義之
 殆為民祈福之意建武紀號因石碣之故封開元陳
 示玉牒之不秘典章斯在風烈可觀道實難行禮從
 絕泊四方之俶擾屬五代之陵夷但恣尋干戈不置禮
 器沮豆之事掃地將盡塗炭之俗顛天無辜陰隲下
 誕受天命世濟元聖光啓玉運皇宋三葉在宥天下
 十載矣太祖啓運立極英武聖文神德玄功大孝皇帝
 之創鴻業也名膺帝錄運契天飛微軼道之隆鄙牧野
 之誓以帝軒之神武漢高之寬大

后集大勳望風而海外駿奔端康而天下寧晏太宗至
 仁應道神功聖德文武大明廣孝皇帝之恢寶圖也天
 縱多能體膺上聖和濟濬哲居實以成德文明中正開
 務以成物捷神益禱定制度策賢良率士致履孟之安
 上基成磐石之固崇文廣武儀天尊道寶應章感聖明
 仁孝皇帝聖道日躋大明繼照尹京邑也神明之政四
 方是則踐承華也元良之德萬國以貞圖錄允鍾訟獄
 咸稱選命而主神器極薦慕而纂宗枋守諫陰養長
 樂孝冠於百王熙庶政叙彝倫智周於萬物封爵出祿
 褒德念功若臨照之代明法雲雷之作鮮繼志述事樹
 經久之規弛禁省官布寬大之令恢張文理存視學於
 上庠振舉武經乃大蒐於近甸厚時風而敦世教訓戒
 昭而敷軍實爾者邊吏致告時延訪駕
 森揚天聲秉武節
 革之威六師不陣遷於衽席之上緩帶噓哺而式和民
 則鼓弓乃而止嚴武備於是脩隆典緝遺文命朕宗
 講三王之禮訓奉常考六代之樂洵謙讓則下周爰之
 詔

用平... 而行輕典... 是崇麟趾之詠... 儀于以觀德... 文之恭儉... 禮易脂澤... 格于上下... 分校正蘭... 備於宣明... 聲身而為... 下萬方有... 截兵偃刑... 之上丕闡... 和天人交... 真官奉其... 蓋宣室躬... 春之澤易... 卦有神馬... 受玄夷使... 命此屋相... 慶異代同... 符麗眉皓... 首之氓

謳謠于外... 里諸生連... 嶽大匠緇... 為祥瑞雜... 象郡之旭... 悉從於班... 以謙拒書... 形明詔將... 論以簡易... 地為守禮... 是育粹炳... 鑒先吝應... 芝含三秀... 細草木之... 玄牝乃因... 房之麓著... 爰博咨於... 撫清議討... 論舊章即... 事用希其... 禮多闕酌... 義訓以革... 正

於制度以折衷古文儀禮之靡記議即博十之未達
 資玄覽洞析於精微無望清光悉臻於體要穆卜消日
 掌故奏儀申必告之誠躬祠清廟以就盈之日有事介
 丘先齊紫宸載止禁禦屏蕭韶之備樂以極靜專却太
 宮之常膳以御菲薄清畿式道雲會星辰嚴蹕之啓
 行奉天書以先路備設儀衛增置官屬極恭肅而尊天
 職也采章之盛藻縟原隰武衛之雄震疊區寓八方述
 而無譁感發栗烈之時融和而可愛民絕扎瘥之患物
 有蕃庶之詠供帳不移而具諸供不戍而備歷東郡之
 屬邑抵澶淵之軍國異容脩文事而有武備工誦
 夾侍掌方志而道地圖風伯清塵招搖參乘周覽臨
 少留汶陽戒誓庶官申嚴執事靖恭爾位恪謹攸司羽
 衛具陳乘輿乃出垂翠綏而鳴寒玉載瓊鑲而擁雲空
 天當景從禁旅前驅八神齊奔萬物咸覩鄉雲待疾仙
 禽成侶俯法從而交蔭覽德輝而翔
 騰芒觀瞻泰狎至溢簡端而不可載考圖謀而
 未始聞下詔肅祇柴望而告至繼而精蠖延淵默而肅居

祀前一日未質明備法駕至於山趾更衣於帷殿上乃
 乘輕輿陟絕巘躋日觀出天門築園臺於山上度地宜
 而循古制也非山之前夕層雲蔚興嚴飈暴起達曙振
 野而未已有司失職而是憂洎寶錄先登華蓋徐至焚
 輪止息寥次清霽若狂渾之初判狀群靈之先置辛亥
 祀昊天上帝設天書位於左次登歌樂作奉迎就位顯
 奉符而錯事也以二聖嚴配定位側向以中恭事表繼
 志而奉天也亞獻終獻作之樂章以為禮節一其儀而
 申昭事也祝史正辭紀勿用黎元蒙福孚佑是祈克
 其已而序動卹也袞冕俯儀金石鏗越捧珪幣奠犧豕
 路金繩而斯畢飛紫燎而上達舒遲暨禮陟降盡恭明
 德之馨至誠之感苾芬以薦膺蠶如吞通帝鄉之岑寂
 接雲漢之昭回協氣上孚纖羅不動神策錫靈長之祚
 日卿奏殊尤之瑞垂紳委珮蹈舞齋室之前鼉拊山呼
 聲震層霄之外山下設壇四成如圜丘之制乃命茂親
 以承大祭崇牙樹羽以斯具潔粢豐盛而在列萬靈咸
 秩四隩來同九宮貴神實司水旱吾民是休動繫憐舒
 厥職充重命築壇於山下封祀壇東率禮吉蠲詔大僚

以尸其事于子祀后皇地祇於社首百司承式慎之至也三獻盡誠禮無違者翌日御朝觀壇觀群后輯五瑞千品成列萬國胥洎英華韶夏以編作傑休堯離而次設風行淑令雷動歡聲祝網之仁普霑蓼蕭之澤遐被大明之照編燭於部家崇朝之潤周濟於天下昭示聖作以志元朝日星炳其天章鸞龍奮其仙翰感祚德之玄既述光表之鴻猷金玉其相與典墳而並鶩神靈是保揭日月以長新復有道濟乎民名在祀典功德兼茂而乃祀高嶽之靈幸列真之宇俾加貞歸用極褒崇養老申合欽之私勞推復之惠命方納賈採詩觀風聘有道而肖高年平權衡而考制度官克用黜幽之典靡行化洽可封歸厚之民成若惇發攸恤幽隱咸達乃翠華之旂輜臨曲阜之故墟升講肆之堂屈順風之拜徘徊設奠眷思遺風褒聖之禮有加恤後之思彌渥既經載容得濟仁壽之觀斗公望進昭烈之號咸建廟貌領於祠官按節廼鑿式閭表墓徧走群望罔不遺靈河濟之區海岱之壤南暨佳

漢北際常趙梯航萬國冠世帶諸酋四遠雲來千里星躔聽清蹕望容得濟仁壽之觀斗奉祀藏侑神之金匱上加益之寶冊舉歸格藝祖之禮親饗太宮考欽至策勳之典惠綏列辟盡聖人之能事成天下之壯觀前書所記纒纒十二儀斯廢僅三百載大定經制而未遑神宗求至理致升半業成而中罷遺茲景鑠屬在欽明丕顯詒謀奉成先鴻昭茂功也人神以和禮樂大備盛德也統也勒石番鴻昭茂功也人報本穹昊歸功宗祐謙尊而從衆欲禮畢而受徽稱克讓之風高視於前古矣下尺一之詔嚴禁止之條

■ 蕭靡彝外好生之德徧及於群心矣服純衣而在道御菲食而數旬則別游牲牲致美散晷減乘與服御之物罷周廬次舍之制則惟新禮器增飾壇壝故翼翼之心精意以享有典有則必躬必親寅恭天至也既如彼蒼蒼之意惟德

况神速也又如此宜乎擁鴻休介繁祉後天而老象日
 之升垂萬葉之耿光為百王之稱首者也臣位冠台衛
 親逢旦暮承上工之之相盛德之事與夫茂陵草遺忠
 之奏周南與留滯之嘆非可同年而語矣又恭膺**■**黨
■述茲而以紹帝王之墳素表金石之篆刻嗣丕天之
 大律為永世之鴻範者也寡常平之經術無燕許之才
 筆大懼禱昧不能發揮徒躑躅於燥吻實僂俛而塞詔
 賡詞舜德曷繼於臯陶紀頌漢巡有愧於亭伯貽之來
 裔以闡大猷辭曰增高益厚王者上儀制禮作樂莫大
 於斯應運接統垂鴻逆釐茲事體大惟聖難之岱宗炳
 靈岩岩峻峙和鑾響絕牲瑄禮弛缺其神懽邈踰星紀
 乃聖挺生乘時斯起惟宋肇興受天顧誕盡黜苛政式
 叙彝倫以洗汚俗乃帝匪民革其不諛彼以至仁威靈
 有赫軌跡易遵與民更始其命惟新寶曆日高神武不
 測厥角獻琛水警**■**惠澤滂流皇猷允塞陰隲下民
 懋建皇極明被六幽化行四國累盛重光軋軋翼翼展
 義省方觀風耀德偃伯靈臺躋民壽域寶鼎增重求協
 大同禎符荐錫告厥成功論乎至聖迪彼玄風保邦

清淨錫祚庶鴻化洽無外道惟大中百度以貞六符斯
 正傾輸群心稱述瑞命僉議勅封以期升侑休烈日彰
 神策天授徇民從欲展采告成屬車時邁法從天行濟
 濟鵷序噦噦鸞聲星言汶汶上雲會岱亭穹崇絕巘密邇
 圓靈躬陟上封聿申昭事祖考米格禮樂明備感以至
 誠享其精意款謁歸功謙謙益至嚴配克誠蒸蒸不匱
 柔祗昭報志祀華脩二儀訶合百神懷柔帝容載穆靈
 財殊尤肆觀輯瑞端冕凝旒萬國以朝四夷接武行常
 之仁兮敦洽蓼蕭之澤兮周溥茂遂群生浸漬萬寓慶
 集丕圖風還遂古騰茂飛英超三邁五赫赫顯號穰穰
 鴻禧百祿是荷萬壽無期遂及黎庶永洽淳熙法昊穹
 兮剛健不息踵黃軒兮清淨無為純嘏之錫自世承之

朝覲壇在州南宋真宗東封群臣覲地州之風雲雷雨壇

因其故址陳堯叟撰碑頌今在壇下與天貺殿碑及天
 齊仁聖帝碑皆待詔尹熙古書書法類聖教序

泰山志卷之二 二十二

配南尊嚴王者所以敦其孝也朝宗親遇聖人所以明其禮也又若因名山而遂封煥先業而彌著踵七十二君之選武承萬八千歲之不緒瑞輯五上壇賓諸侯巍巍煌煌事之大者非命夫通博之七繹蓬山

之學顯蒙寡聞黔淺無取詔所慮拜手而颺言曰

宋受天命帝六合子萬姓以聖繼聖垂五十載稽神道而設教感民生之歸厚烈祖考耀武振德蕃乾維而張

宇盡坤輿而畫野夷暴削壘黜僭溢偽懷生胥

章感仁孝皇帝之御天下也三葉嗣統重離繼明恭敏而安仁徇齊而允迪青宮主祀承大序而寅畏黃屋正位奉先志而夕惕若乃敦乎要道刑于率土始則謹色養而罔價終則恪因心而過制孝之至也郊丘者三竭精意以裸獻朝闕者一鬱悽感於霜露祀之大也六御宸陛精較髮鬢振滯淹於常布罄通潛於巖穴文教之隆也再駕革輅觀省朔野貞師律以威亮

樂武經之著也疏圖

實情達幽欽恤之深也體玄功之藏用為而勿有推赤心而與物坦然無間聰明之廣也友于天族敦乎教也惠緩耆年勉夫養也剗雕復朴必始于宮室勸農禁末率先乎稼穡以夫儉也黃綬一

助編室務得而學彌益述覽乎九皇之道畢揆時序猶復訪古無怠勤恁方較丞丞之懷既格于講乎三代之訓敦厖黎庶勤恁方較丞丞之懷既格于神明生生之仁終達于

偃於師節混一文軌罷戎壇場禮易戰

措兵者也於是河海夷日安巖廊穆宣瑩玄覽而宅秉操

斗極而播慮恢天常立一氏經清爭之鄉御乃六氣之辨

富壽之域隆乎三登之粹四隩納誠五緯遵軌以是

社而訥合草木效靈而紹見千品萬類紛綸歲

軼世靈契允宜昭答絲是眞來儀寶命由錫行三篇

閱默之訓啓萬禩綿長之兆普天聲世靡不欣戴惟蒼

異登假之祐乃垂虹之慶流鳥之祥祇載其

異雨之既何補

卷之三十一

邦之溫于是沫泗諸生龜蒙群彥發詠美於庠塾動咨
吟于衢路倚裳連襪波屬鱗萃既而宰衡帟帷之輔熊
羆羔鴈之列迨于千夫長百夫長黃冠緇衣台背兒齒
相與不約而信不謀而同伏觀之下

陛下系纂聖統光闡丕業立隆以為極勅而
司會天斯成矣地斯平矣人斯和矣昆蟲草木罔不孚
矣所宜鋪鴻藻而熙帝載飛英蕤而振絕禮遵昊天
成命慰東魯之後后觀風省四民之業展親諸侯之
允謂俗

不為進越皇帝虔奉敦諭四讓不獲既而垂旒深念前
席而言曰惟我聖付以大寶海內外悉主悉治率
懷錫羨之慶丕肩詒翼之教一變至道何有焉又敢
款斯之體乃朕之意且夫無懷已降夷吾所記迨建
武之儀開元之制綿蕪草具宜削其靡無煩民無續神
恭朕之禮罔憚菲薄奉禋之容如務豐士凡

場

紉漢室優游之義順以創制闡嘉言於既往修而不典

黜空文之無謂既歷古而肄習乃折衷於睿聖輔臣先
事而祇命崇岳駢日而薦瑞醴泉必湧神龍倏見靈芝
三秀而絡野嘉穀合穎而克畝星弁

較而戒吉卿雲先後而觸布遼鶴翩翩而旅集玄貺益
重坤珍愈出月孟冬日辛卯皇帝乃闢宸居清康繼儀
金輿總衡之御肅寢祀彌龍之制都人山立而震林

以徘徊十極之音含正始而容與戢而常伯陪乘大內
弭節十官息蹕而星拱九龍効駕而颯舉萬騎雜沓洵
洵兮海運九旂續紛烈烈兮雲布歷河沂榮光湛乎百
文矣岳趾愛日融乎四禁猛上懸鷲

而彌炤周廬微道植鐵懸旆既而闢齋宮之靖宜肅清
秉於獲獲雲罕嚴路鈞陳轉壁奉寶花而先置徽宸仗
而延大流示異常履石而遽止寒谷應威將裂膚而
俄煥倏忽之變陰陽不測皇帝於是登高陞天

七葦步巖陞俯曜靈於渤澥觀衆山之培塿重基冠空
而嘔物翠旌周阿而捉獵辛亥物爽即事盛闕登太祖

以配天奉太宗而侑饗... 圓軒豁懸寓澄爽列宿照欄
於浮景盛禮登降於... 八音諧
而大樂六變百神降而玄酒三獻蕭蕪... 用權火高舉
圭璧之序嚴紫霄而有容金石之文凝絳烟而無際秩
衆靈而在下命群官而分饗侑物之盛實列萬國錫年
之祥乃過億世既即次而燎幣旋復... 而檢王貯鑿兮
神光發穢實兩蔚而五色翌日迴鳴鑾禪社首禮遂畢
於登降誠乃格下上復本反始二儀之氣斯和執圭
奉璋肆觀之禮攸舉且夫壇壝三成蓋大適小之制侯
氏四價乃君勞臣之典繇是... 次舍設柱司儀
辨等車馬具禮始既館而穆穆俄就旂而濟濟皇帝乃
登清壇翳雲芝負芥辰明章施臚句... 命而交達深責
述職而駢萃九儀飾比薦... 磨至航海告傳上之符毛
車慶干呂之端巍乎幄... 之穹隆乎... 虎之
成訖無遺者既而王公庶尹嶽牧羣長胥進言曰夫祚
德者天合符者聖陛下功大業鉅對越景命區域棟化

人祗協慶禮物具八方之產祀... 千年之盛又何山
鄒... 獻海鰈之克貢哉父天母地之孝予以之備
君臨子事之義於是乎盡洋洋乎蕩蕩乎民無得而稱
焉謹伏壇次上十萬壽帝曰昇哉... 嘉器之文也
牲牲肥脂祭之... 也非朕所以請上帝臨下民之意也
維朕之薦薦于維誠維神之享享于維馨庶乎盡物
義用由納約之肯無以異矣又曰咨爾有方之衆明聽
予詒先王克謹天戒臣人克有常憲肆朕祇畏荷茲
施爾其慎厥終一乃心炳予夙夜之治遂... 元元之命
罔忽厥心以速于戾... 九域日潤萬... 既禮山
而樂闕遠雷作而雨解渙汗兮大號不休兮茂典其
聿空圖行斯弛執執首濯居窮者遠在逸者復處幽者
賈員首方足悉已... 濡蠕動... 罔不... 政逸祥禽於
空闊遂... 歌於... 遐集百靈而受職與萬物而更始所
謂... 介爾景福雲行雨施不崇朝而編天下者也
之明日撫... 意憲先古大常陳詩而觀俗典禮同律而
考度正班爵之上下閱市器之良... 守屏以欽率章
教條而成舉既而振皇儀而旋輶訪儒宮而釋奠浸仁

卷之三十一 三十一

澤於遺者合凱謠於下國歡洋洋溢
氣鬱蒸擁宸輿方歸格策勳欽至霽霽樂昏昭德垂休
懇乎無極皇帝於是敷睿藻紀雲闕始則推后帝之紀
錫終則讓祖宗之顯烈義畫增麗堯文濤發式天經而
昭布表日觀而高揭至干之祀典之禮
芬上則教尊於世次而功施於民形哀頌而流未增微
稱而益振煥乎宸製鏤之貞罔信闕典而成秩垂聖乾
而惟新大矣哉懷庭之道曠而復屬盤維之基亘而彌
遠人和年登而神降之吉倪寬所謂帝王之盛節抑亦
曰天下之壯觀聖作物覩不其偉乎太史臣曰主上有
聖明而下宣布有司之過也臣虔奉咫尺恭侍圭幣禮
容竭厲竊謂萬一雖不足究宣駁德光大隆業蓋
尊石信辭炳灼於無窮者也臣亮叟謹為頌曰於皇
有宋受天明命烈祖造邦神宗繼聖靈旗指麾洪基保
定神教誕敷民德丕正明昭我后集慶重离稽古立訓
惟儉是宜羣方允迪庶彙輯熙天縱至德日用焉知上
玄降鑒雙船其德不德謙而益光寅奉祖
效靈乾瑞坤瓊溢于祥經上德不德謙而益光寅奉祖

考肅祇玄黃天迪格盛曆洪長真存至元符屢彰
濟濟多士嶷嶷蒸代填衝溢郭集于紫宸
功有位藏事岱宗虞巡効駕周邁宣風八極四海雲隨雨
從巖巖曾詹高軼乾宇既後既登以俎以旅二聖克配
三辰攸處六變成靈蒼華玄酒
成秩禪之明日乃嚴壇壝十以肆觀于以陳儀掛抵載
列筭簋俶施嚴爾坵組翼平熊羆王公庶尹再拜稽首
罄億萬壽日哉德斯懋元首股肱惟
爾佑佑慶澤遂敷有民赦嶽渙汗滂瀉茲液參漉洗滌
頗類發揮亭毒施及天胎罔不生育乃程律度乃齊日
時外羅方敷懲艾不祇九百有位以悅以人禮克舉
揭方明方車服以庸單慶澤方翠網遂空惟聖宋之光
宅方與黃比崇宣手金聲之玉振之萬斯年方無窮
陰字碑在州之乾封門外迤東三百餘武是為宋真宗蒼

謝天書述二聖功德序銘曰陰字以字鑄北面從俗稱也州志曰金字謂當時以金塗飾也或曰禮祀以精意享祀言也皆聲相近而義亦通嘗聞真宗東封駐蹕會真宮故碑作屏製鑄北面當宮南百餘武俗稱陰字為是宮今在城內而碑限于外故人罕知其鑄意云

之大業也考茂典而薦至誠登喬嶽而荅純錫此王者之昭事也結繩已往茫茫而莫知方冊所存章章而可辨罔不開先流福累洽儲休長發其祥永錫爾類故能裡祀上帝肆觀群后迨八九之遐獨徇億兆之歡心是以武王勳獨夫集大統而成土以之東巡高帝平三猾啓天祿而武帝以之亡封曩以五代陵夷四方分裂敬九域顧影而求存願願萬民顯天而仰訴不有神武

多難何以跋不有文明至治何以復恭惟太祖啓運立極英武聖文神德玄功大孝皇帝積善自始受命無疆歷試于艱難終陟于元后威靈震疊玄澤汪射無往不實有來斯應濟民於塗炭登物於春臺俾以萬邦成湯之甚盛咸宣九德文王之有聲啓運于前垂裕於後太宗至仁應道神功聖德文武大明廣孝皇帝洪基載紹景貺誕膺如日之升燭于率土如天之廣覆于群生人文化成神道設教尊賢尚德下武後刑金石之音明靈是格王帛之禮蠻貊來同書軌畢臻典儀無闕上玄降鑒虞舜之温恭庶民不知唐堯之於變重熙之盛冠絕于古先增高之文已頒乎成命遠巡其事謙莫大焉肆予冲人獲守丕構其德不類其志不明弗克嗣興罔識攸濟屬以陽春節靈文錫慶由是濟河耆老鄒魯諸生啓予以神休邀予以封祀不遠千里來至闕庭朕揚然而莫當彼確手而莫止俄而王公蕃牧卿士列校獻封者五上伏聞者萬餘以為景命維新珍符紛委不可辭者天意不可拒者群心天意苟遠何以謂之順道群心苟鬱何以謂之從人是宜登介丘成大禮敦諭雖至

勤請彌固切念乾坤番祐宗祐儲社導揚嘉氣僅洽小康俾夫疆場以寧干戈以息風雨以順稼穡以登無震無驚既庶既富皆天之賜也豈朕之功歟雖則告成功紀微號非涼德之克堪也然而序圖錄卷殊禎非眇躬之敢讓也天孫日觀梁甫仙間五嶽之宗萬物之始升中燔燎舊章斯在繼繩先志懿範導已定之規祇事園壇嚴配肅因心之孝於是詔輔臣以經道命群儒而講言給祠祀者罔有不至供朕身者無必求豐故王幣犧牲朕之所動也羽儀服御朕之所簡也精意篤志夙興夕惕誠明洞達顯應還彰自天垂恩正真親臨於雲馭奉符行事于育敢怠於政經粵以暮秋之初恭享清廟告以陟配孟冬之吉虔登岱宗伸乎對越奉寶籙於座左升祖宗以並侑禮之正也孝之始也乃禪社首厥制咸若于時天神畢降地祇畢登躬緬可期奠獻如覩其薦也雖慙乎明德其感也實在乎至誠亦復酌鄧宮之善勸治稽考制度採撫風謠文物聲明所以揚二聖之洪烈歡娛慶賜所以慰百姓之來思蓋又兩儀之純

七廟之餘慶邦家之盛美蒸黎之介福豈予寡昧所可致焉惟當稽謀寅威夙夜惕厲不自滿假不自逸豫能緩庶國茂育群倫以答穹昊之眷命焉勒銘山阿用垂未世銘曰節彼岱嶽嶽然東方庶物伊始玄感其章自昔受命反始穹蒼燔柴於此七十六王顧惟寡薄恭嗣洪猷乾乾慄慄雖休勿休元符昭錫餘慶遐流群情所迫盛則爰脩前王不顯是曰吉成伊予冲眇無德而名未懷春佑低谷景靈華崇嚴祀用達精誠殊祥豐委寓縣奔馳禮無違者神實格思藏封石累刻字山嶺蒸民永泰繁祉常垂

御帳坪在嶽之中道即秦封五松之地宋真宗東封駐蹕

于此故名今石上柱窠帳殿之遺蹟也

博城在岳東距州治三十里漢之奉高隋之汶陽唐之

乾封同此今名曰舊縣

羸城在岳東趾距州治東南五十里漢置縣屬泰山郡唐屬東秦州後省入博城

謝過城在岳東南趾漢明堂側齊魯會夾谷後歸謝之地故名岳東南地曰谷里古夾谷也

羊祜城距州治東南九十里即晉羊祜所封之南城

龜陰田即齊人歸魯以謝過者

汶陽田在嶽南汶河之上魯成公二年春秋書取汶陽田八年書晉侯使韓穿來言汶陽之田歸之于齊

柳下惠墓在州治東南一百里至今村人尚多屨姓者村

名曰柳里村

聖賢

孔子登泰山而小天下孟子孔子過泰山側有婦人哭於墓

者而哀夫子式而聽之使子路問之曰子之哭也一似

重有憂者曰然昔者吾舅死於虎吾夫又死焉今吾子

又死焉夫子曰何爲不去也曰無苛政夫子曰小子識

之苛政猛於虎禮記孔子遊於泰山見榮成期行

乎鄙之野鹿裘帶索鼓琴而歌孔子問曰先生所樂何

也對曰吾樂甚多天生萬物惟人爲貴吾得爲人一樂

也男女之別男尊女卑故以男爲貴言得爲男矣是三樂也人生有不見日月不免襁褓者吾旣已行年九十矣是三樂也貧者士之常也死者人之終也處常得終當何憂哉孔子曰善乎能自寬者也

見列子

顏淵從孔子上泰山孔子望吳閭門外有繫白馬引顏淵以指之曰若見吳閭門乎顏淵曰見之有若繫練之狀孔子撫其目而止之因與俱下淵髮白齒落遂以病死

見錦綉萬花谷
韓詩外傳畧同

曾子散衣力耕泰山下天雨雪凍甚旬月不得歸思其父

毋作梁山歌

見曾子
孝實

孟子生時母夢神人乘雲自泰山來將止于嶧母疑視久之忽片雲墜而寤時聞巷皆自元五色雲覆孟氏之居焉

見通志

後人稱孟子有泰山巖巖聚氣象適符雲兆信矣

伯牙遊於泰山之陰卒逢暴雨止於巖下心悲乃援琴而鼓之初爲霖雨之操更造崩山之音曲每奏鍾子輒窮其趣伯牙乃舍琴而歎曰善哉善哉子之聽夫志想象猶吾心也吾於子何逃聲哉

見列子

延陵季子適齊於其反也其長子死葬於廐博之間孔子

曰延陵季子吳之習於禮者也往而觀其葬焉其坎深
不至於泉其斂以時服既葬而封廣輪揜坎其高可隱
也既封左袒右還其封且號者三曰骨肉復歸于土命
也若寬氣則無不之也遂行孔子曰延陵季子之於禮
也其合矣乎

見禮記嘉祥俱屬華安岳東世見古
城遺跡孟子葬於齊反於廬即其地也

宋

孫復字明復晉州平陽人少舉進士不第退居泰山南麓
學春秋著尊王發微魯多學者其充賢而有道者石介
自介而下皆師事之年踰四十家貧不娶季丞相迪將

以其弟之女妻之復疑焉介與群弟子進曰公卿不下
士久矣今丞相不以先生貧賤而欲託以子是高先生
之德義也先生宜因以成丞相之賢名於是乃許孔給
事道輔為人剛直嚴重不妄與人聞復之風就見之介
執杖履侍左右復坐則立升降拜起則扶之及其往謝
也亦然魯人既素高此兩人由是始識師弟子之禮莫
不嘆嗟之而迪與道輔亦以此見稱於士大夫其後介
爲學官語于朝曰孫先生非隱者也欲仕而未得其方
耳慶曆二年樞密副使范仲淹咨政學士富弼言其道

德經術宜在朝廷召拜校書郎國子監直講嘗召見邇
英閣將為侍講而嫉之者言其講說多異先儒遂止七
年徐州人孔直溫以任謀捕治索其家得詩有復姓名
坐貶監虔州商稅徙泗州又徙知長水縣簽署應天府
判官公事通判陵州翰林學士趙槩等十餘人上言孫
復行為世法經為人師不宜棄之遠方乃復為國子監
直講嘉祐二年七月卒于家年六十有六官至殿中丞
其在太學時為大理評事尹天子臨幸賜緋衣銀魚及聞
其卒惻然予其家錢十萬而公卿大夫太學諸生相與

弔哭賻治其喪其治春秋不惑傳註不為曲說以亂經
其言簡易明於諸侯大夫功罪以考時之盛衰而推見
王道之治亂得於經之本義為多方其病時樞密使韓
琦言之天子選書吏給紙筆命其門人祖無擇就其家
得其書十有五篇歸之藏于秘閣

以歐文忠
撰墓志脩

胡瑗字翼之泰州海陵人與孫明復石守道講學泰山攻
苦食淡終夜不寢十年不歸得家問見有平安二字即
投之澗中不復展讀今人名其投書處為投書澗云
許衡字仲平河內人金季兵亂避地徂徠泰山間扁其舍

曰魯參初從姚樞竇默游獲聞程朱之學遂為名儒元世祖召為京兆提學累官集賢大學士兼國子祭酒領太史院事累遷中書左丞贈司徒謚文正

列儒

漢

萊山老父不知姓氏漢武帝東封見老父於山下道傍頭上白光高數尺怪而問之老父曰臣年八十五時衰老垂死遇有道者教臣絕穀但服木飲井水枕神枕枕中有三十二物以三十四當二十四氣以八當八風臣行

之轉老為少日行三百里臣年百八十矣帝受其方

賜以玉帛老父後入山去每五年還鄉里僅三百

年不復還矣

見類林雜志并葛洪神仙傳

稷丘君泰山下道士也髮白面齒落更生漢武帝時以

道術受嘉賞後罷去帝東封稷丘君擁琴迎拜止帝勿上上必傷足帝上及數里左足指折諱之還為稷丘君

立祠傳讚曰稷丘洞徹脩道靈山鍊形濯質變白還年

漢武行幸携琴來延戍以升陟逆覩未然

見列仙傳及集事淵海

安期生在泰山遇李少君入山採藥病困安期生與神樓

散一七而愈

崔文子者泰山人也世好黃老居潛山下後作黃散赤丸
賣藥都市自言三百日後民有大疫長吏之文所請救
文擁朱幡繫黃散以徇人門飲散者即愈所活者萬計
後去在蜀曾黃散故世寶崔文赤丸黃散云傳讚曰崔
子得道術無祕奧瀉氣降喪仁心攸悼朱幡電壓神藥
捷到一時獲全末世作効見列仙傳及集事淵海

晉

張忠字巨和中山人永嘉之亂隱于泰山清虛服氣食芝

餌石符堅聞其賢徵至長安以野服見堅曰先生獨善
之美有餘濟世之功未足故遠屈先生將任以齊尚父
忠曰昔因喪亂避地泰山與鳥獸為侶尚父非敢擬願
還餘茲歸岱宗堅以安車送之過華山歎曰我東嶽道
士沒於西嶽命也已而化之謚曰安道先生

唐

呂崑字洞賓宋天聖戊寅三月二十一日書五言絕句于
玉母池署其後曰回翁題政和丙申六月十八日復書
七言絕句署其後曰回公再書前後書法皆類顏魯公

再書二字類進賢亭刻人莫能識好事者摹其真蹟于會真宮觀其詩則知純陽子三至泰山矣

詩見五覽志

張僊不知何許人開元中與李某同至泰山學道久之李以宗室辭歸仕至大理丞屬安祿山亂携家襄陽尋奉使揚州途觀張子邀李同宿門庭壯麗僊從璀璨李視女妓中有持筆者酷似其妻及罷張呼持筆者以林檎擊裙帶上各散去明日李復至門館荒穢無行人跡詢鄰人曰此劉道玄宅已十餘年無居者尋還襄陽索其妻僊果得林檎問其故云一夕夢見五六人追云張

僊喚搗筆臨別以林檎繫裙上於是知張已得僊矣

元

丘長春不知何許人嘗居志平山南陞長春觀以全真為教元賜號神仙無為演道太宗師別號長春子後去之嶧山有仙化遺跡嶧碑及觀中遺像俱尚存

張志純號天倪子泰安阜上保人六歲能誦五經十二歲入玄門居會真宮數載道行超群童初名志偉元主改今名賜號崇真保德大師授紫服重建岱岳升元二觀及上岳廟元初王奕斐稿有贈詩云赤松宗世遠岳地

作神仙註云其人百二十歲三見帝學士徐世隆題其
小影曰形雖羸于道則肥性雖介于物則齊具儒墨之
體用見天地之端倪杜仁傑曰其學也老莊其志也軒
岐郡人王天挺曰冰霜外潔日星內炳又曰山澤之臞
道德之腴徐徐于于此世之所謂天倪子者乎化日自
頌曰脫下娘生皮袋此際樂然輕快百尺竿頭進步蓬
玄洞府去來去來前世宿德醫僧今作道門小才

徐世隆別號復齋不知何許人元翰林學士夙與泰山天
倪子游元季喪亂變姓名上下泰山常居岳祠或城隍

廟三禩子從學一教習泗水超距一授漢書其一曰王
主授舉子業久之別去言三子貴賤短脩其後授漢書
者曰肖賴說書為衣食習泗者遇濟南灌城之厄以泗
解圍以超距脫死致爵賞至登科膺爵齒三人所至悉
如其言至年八十許時世隆復來見天順間又至泰山
惟升元觀一老道士識之其容貌如兒時所見後不知
所終州志載世隆官如今傳山東通志書廉訪使不載
其地近閩文文山集書世隆尚書東平人詩哭文
山蓋宋季之人也歷胡元終始
而我國朝人猶及見之異哉
成興公真人不知何許人仙道成于泰山見五岳真
形圖說

王從之不知何許人初官翰林後隱泰山踟躕而化人稱其地曰蛻仙巖巖見元人石刻詩及古州志

海印泰安州人君鄒縣大明禪院幼悟道常夢異僧指示一旦呼弟子謂曰吾幻身非久住世親書偈畢端坐而化三日慈容如生其院上紫霧光明貫於天際邑令見之稱為真佛

靈宇

靈宇何明神之所宅也志之而首岱山焉者何莫方域出雲雨功侔造化而群首宗焉祀于有司國家之典禮也

岱祠有昊天地祇乃弗先之者何非有司之分非典禮也非典禮而志之何傳曰有其舉之莫敢廢也乃若霞君青帝邦國攸崇孫石兩賢鄉人景範至于佛老之宮群靈之府亦載籍之舊也又烏得而遺諸

東嶽廟在州城西北隅風俗通曰岱宗廟在博縣西北三十里山虞長守之按志唐廟在嶽之南麓岱岳升元二觀前當為漢址宋改今地其後廢興修葺詳具宋祥符宣和金天定元泰定至元及國朝諸記石廟制堞城高二丈週三里城門有八南闕者五而中曰岱嶽北曰

魯瞻東曰青陽西曰素景門各有樓角樓亦四東南曰
巽樓東北曰艮樓西北曰乾樓西南曰坤樓由岱嶽而
上重門爲配天次爲仁安再上爲仁安殿露臺高下聯
屬者二殿前兩廡之中爲鍾鼓樓樓之後各爲齋房殿
後爲寢宮宮左右爲配寢其規模宏侈儼如王者居配
天門左爲三靈祠右爲太尉祠祠前東廡別殿曰炳靈
西曰延禧碑亭二其一當岱嶽配天二門之間其二對
峙于鍾鼓樓側二亭皆爲國朝御製碑建惟洪武勅
祀一記乃某官德祐撰詞前述

